

Դատաւորն սակս նորոգութեան Զիթենեայ լերին, և ըզմիւսն սակս չգործադրելոյ զհրովարտակն Լատինաց:

Փոխանորդն Հայոց, բողոք բառնան Յոյնք թէ կանթեղք և պատկերք որք կախեցան յեկեղեցին Բեթղեհէմի, իցէ լեալ միայն շնորհիւ Դատաւորին, և ոչ իրրեւ սեփհական իրաւունք Հայոց, և չէ տուեալ Հէօճճէթ 'ի Դատարանէ: Այլ սակայն վասն գործադրութեան բաժանորդութեան Հայոց՝ ոչ երբէք պակասեցան վէճք և խռովութիւնք 'ի կողմանէ Յունաց: Եւ 'ի ԿՅՋԱ թուին եղեալ արձանագրութիւնն մատուցաւ առ Փոխարքայն Եգիպտոսի, և նա գրեաց առ Դատաւորն Երուսաղէմի գործադրել զբաժանորդութիւնն ըստ մտաց հրովարտակին Հայոց: Եւ իրրեւ ընթերցաւ այն 'ի Դատարանի՝ Յոյնք վերստին յարուցին վէճս և խռովութիւնս, և եղև քննութիւն յերկուց կողմանց, եւ Դատաւորն առաքեաց զարձանագրութիւնս դատաստանին առ Փոխարքայն, և 'ի պատճառս խռովութեան պատերազմին անկարելի եղև ընդունիլ ըզպատասխան նորին իրրեւ զամ մի: Եւ 'ի կարգիլ Դատաւոր Երուսաղէմի Օմար Նասիպ Էֆէնտեայ 'ի ԿՅՕԿ թուին՝ մատուցաք նմա զհրամանագիր Փոխարքային, եւ ապա խնդրեաց զհրովարտակն բաժանորդութեան, և յետ ընթեռնելոյ առաջի մեծամեծաց քաղաքիս եւ Յունաց՝ հաճութեամբ և հաւանութեամբ նոցին, կախեաց զկանթեղս և զպատկերս: Յոյնք ունէին յԱյրին Մննդեանն Քրիստոսի պատկերս 11, Հայք բողոքեցին ըստ իրաւանց բաժանորդութեան տալ ինքեանց զկէս նոցին, ընդ որ տհաճեալ՝ կախել տալ կամեցան 'ի ներքոյ պատկերաց նոցին, այլ Հայք ոչ առին յանձն՝ և մնաց այնպէս:

Եւ պատճառ չտալոյ մեզ Հէօճճէթ 'ի Դատարանէ՝ զի ոչ կարացաք լցուցանել զթերին բաժանորդութեան, զի զմանն արար, և զայլս եթող, եւ մեք ոչ կամեցաք ընդունիլ զՀէօճճէթն, թէպէտ Դատաւորն քանիցս ազդ արար մեզ առնուլ: Եւ իրրեւ մերձեցաւ ժամանակ մեկնելոյ նորա յԵրուսաղէմէ՝ կամեցաւ խանդարել զսր արար յեկեղեցուջ անդ, և Քաղաքապետն ոչ կամեցաւ երթալ 'ի կոչ նորա, այլ արար պատասխանի՝ թէ զխտութեամբ և հաւանութեամբ ամենեցուն եղեալ իրաց չկամիմ լինել